

千金翼方卷第四

未下

蟲魚部 七十一味 論一首

石蜜味甘平微溫無毒主心腹邪氣諸驚癇瘥安五藏諸不足益氣補中止痛解毒除衆病和百藥養脾氣除心煩食飲不下止腸澼肌中疼痛口瘡明耳目久服強志輕身不飢不老延年神仙一名石飴生武都山谷河源山谷及諸山石中色白如膏者良

蜜蠟味甘微溫無毒主下痢膿血補中續絕傷金瘡益氣不飢耐老

白蠟療久洩澼後重見白膿補絕傷利小兒久服輕身不飢生武都山谷生於蜜房木石間

蜂子味甘平微寒無毒主風頭除蠱毒補虛羸傷中心腹痛



大人小兒腹中五蟲口吐出者面目黃久服令人光澤好顏色不老輕身益氣

大黃蜂子主心腹脹滿痛乾嘔輕身益氣

土蜂子主癰腫噎痛一名蜚零生武都山谷

牡蠣味鹹平微寒無毒主傷寒寒熱溫瘧洒洒驚志怒氣除拘緩鼠癭女子帶下赤白除留熱在關節榮衛虛熱去來不定煩滿止汗心痛氣結止渴除老血澀大小腸止大小便療洩精喉痺欬嗽心脅下痞熱久服強骨節殺邪鬼延年一名蠣蛤一名牡蛤生東海池澤採無時

桑螵蛸味鹹甘平無毒主傷中疝瘕陰痿益精生子女子血閉腰痛通五淋利小便水道又療男子虛損五藏氣微夢寐失精遺溺久服益氣養神一名蝕肫生桑枝上螳螂子也二月三月採蒸之當火炙不爾令人洩

海蛤 味苦鹹平無毒主欬逆上氣喘息煩滿胃痛寒熱瘰癧瘰一名魁蛤生東海

文蛤 味鹹平無毒主惡瘡蝕五痔欬逆胃痺腰痛脅急鼠瘻大孔出血崩中漏下生東海表有文取無時

魁蛤 味甘平無毒主瘰癧洩痢便膿血一名魁陸一名活東生東海正圓兩頭壳表有文取無時

石決明 味鹹平無毒主目障翳痛青盲久服益精輕身生南海
秦龜 味苦無毒主除濕痺氣身重四肢關節不可動搖生山之陰土中二月八月取

龜甲 味鹹甘平有毒主漏下赤白破癥瘕瘕瘕五痔陰蝕濕痺四肢重弱小兒顛不合頭瘡難燥女子陰瘡及驚恚氣心腹痛不可久立骨中寒熱傷寒勞復或肌體寒熱欲死以作湯良久服輕身不飢益氣資智亦使人能食一名神屋生南

海池澤及湖水中採無時勿令中濕中濕即有毒

鯉魚膽 味苦寒無毒主目熱赤痛青盲明目久服強悍益志氣

肉 味甘主欬逆上氣黃疸止渴生者主水腫脚滿下氣

骨 主女子帶下赤白

齒 主石淋生九江池澤取無時

鱖魚 味甘寒無毒主濕痺面目浮腫下大水療五痔有瘡者

不可食令人癢白一名銅魚生九江池澤取無時

鮑魚 味辛臭溫無毒主墜墮腰膝踈折瘀血血痺在四肢不

散者女子崩中血不止勿令中鹹

鯪魚 味甘無毒主百病

鮮魚 味甘大溫無毒主補中益血療潘脣五月五日取頭骨

燒之止痢

鯽魚 主諸瘡燒以醬汁和塗之或取猪脂煎用又主腸癰頭

灰主小兒頭瘡口瘡重舌目翳一名鮒魚合葷作羹主胃弱不下食作鱠主久赤白痢

伏翼味鹹平無毒主目瞑癢痛淋利水道明目夜視有精光久服令人喜樂媚好無憂一名蝙蝠生太山川谷及人家屋間立夏後採陰乾

天鼠屎味辛寒無毒主面癰腫皮膚洗洗時痛腹中血氣破寒熱積聚除驚悸去面黑肝一名鼠法一名石肝生合浦山谷十月十二月取

蝟皮味苦平無毒主五痔陰蝕下血赤白五色血汁不止陰腫痛引腰背酒煮殺之又療腹痛疝積亦燒爲灰酒服之生楚山川谷田野取無時勿使中濕

石龍子味鹹寒有小毒主五瘰邪結氣破石淋下血利小便利水道一名蜥蜴一名山龍子一名守宮一名石蜴生平陽川

谷及荆山山石間五月取著石上令乾

露蜂房

味苦鹹平有毒主驚癇瘈瘲寒熱邪氣癰疾鬼精蠱

毒腸痔火熬之良又療蜂毒毒腫一名蜂腸一名百茅一名

蜂勦生牂牁山谷七月七日採陰乾

樗雞

味苦平有小毒主心腹邪氣陰痿益精強志生子好色

補中輕身又療腰痛下氣強陰多精不可近目生河內川谷

樗樹上七月採暴乾

蚱蟬

味鹹甘寒無毒主小兒驚癇夜啼癰病寒熱驚悸婦人

乳難胞衣不出又墮胎生楊柳上五月採蒸乾之勿令蠹

白殭蚕

味鹹辛平無毒主小兒驚癇夜啼去三蟲滅黑黣令

人面色好男子陰瘍病女子崩中赤白產後餘病滅諸瘡癰

痕生潁川平澤四月取自死者勿令中濕中濕有毒不可用

木蝨

味苦平有毒主目赤痛些傷淚出瘀血血閉寒熱酸慄

無子一名魂常生漢中川澤五月取

蜚蠊 味苦微寒有毒主逐瘀血破下血積堅痞癥瘕寒熱通利血脉及九竅女子月水不通積聚除賊血在胃腹五藏者及喉痺結塞生江夏川谷五月取腹有血者良

蜚蠊 味鹹寒有毒主血瘀癥堅寒熱破積聚喉咽痺內寒無子通利血脉生晉陽川澤及人家屋間立秋採

蜚蠊 味鹹寒有毒主心腹寒熱洗洗血積癥瘕破堅下血閉生子大良一名地鼈一名土鼈生河東川澤及沙中人家墻壁下土中濕處十月取暴乾

蟻 味鹹微溫微寒有毒主惡血血瘀痺氣破折血在脅下堅滿痛月閉目中淫膚青腎白膜療吐血在胃腹不去及破骨踈折血結金瘡內塞產後中寒下乳汁一名蟻一名肥齊一名勃齊生河內平澤及人家積糞草中取無時及行者良

蛭 味鹹寒無毒主賊風啗賊軼筋及脫肛驚癇攣縮一名

陵蠡一名土蛭一名附蛭生太山池澤及陰地沙石垣下

月取

蝟

味鹹寒主賊風啗僻踈跌大腸下脫肛筋急及驚癇

水蛭

味鹹苦平微寒有毒主逐惡血瘀血月閉破血瘀積聚

無子利水道及墮胎一名跂一名至掌生雷澤池澤五月六

月採暴乾

鼈甲

味鹹平無毒主心腹癥瘕堅積寒熱去痞息肉陰蝕痔

惡肉療溫瘧血瘀腰痛小兒脅下堅

肉

味甘主傷中益氣補不足生丹陽池澤取無時

鮑魚甲

味辛微溫有毒主心腹癥瘕伏堅積聚寒熱女子崩

中下血五色小腹陰中相引痛瘡疥死肌五邪涕泣時驚腰
中重痛小兒氣瘳皆潰

肉主少氣吸吸足不立地生南海池澤取無時

烏賊魚骨味鹹微溫無毒主女子漏下赤白經汁血閉陰蝕

腫痛寒熱癥瘕無子驚氣入腹腹痛環臍陰中寒腫令人有子又止瘡多膿汁不燥

肉味酸平主益氣強志生東海池澤取無時

蟹味鹹寒有毒主胃中邪氣熱結痛啗僻面腫敗漆燒之致

鼠解結散血愈漆瘡養筋益氣

爪主破胞墮胎生伊洛池澤諸水中取無時

原蚕蛾雄者有小毒主益精氣強陰道交接不倦亦止精

屎溫無毒主腸鳴熱中消渴風痺癰軫

鰻鱺魚味甘有毒主五痔瘡癰殺諸蟲

鮫魚皮主蠱氣蠱疰方用之即裝刀靶鱔魚皮也

紫貝主明目去熱毒

蝦蟇 味辛寒有毒主邪氣破癥堅血癰腫陰瘡服之不患熱病療陰蝕疽癰惡瘡痢犬傷瘡能合玉石一名蟾蜍一名鼃又一名去甫一名苦龍生江湖池澤五月五日取陰乾東行
者良

鼃 味甘寒無毒主小兒赤氣肌瘡臍傷止痛氣不足一名長股生水中取無時

牡鼠 微溫無毒療跣折續筋骨擣傅之二日一易四足及尾主婦人墮胎易產

肉 熱無毒主小兒疳露大腹多食之

糞 微寒無毒主小兒癰疾大腹時行勞復

蚺蛇膽 味甘苦寒有小毒主心腹蠱痛下部蠱瘡目腫痛

膏 平有小毒主皮膚風毒婦人產後腹痛餘疾

蝮蛇膽 味苦微寒有毒主蠱瘡

肉釀作酒療癩疾諸癰心腹痛下結氣除蠱毒其腹中吞鼠
有小毒療鼠癰

鮫鯉甲微寒主五邪驚啼悲傷燒之作灰以酒或水和方寸
匕療蟻癰

蜘蛛微寒主大人小兒瘡七月七日取其網療喜志

蜻蛉微寒強陰止精

石蚕味鹹寒有毒主五瘥破石淋墮胎

肉解結氣利水道除熱一名沙蚕生江漢池澤

蛇蛻味鹹甘平無毒主小兒百二十種驚癇瘈瘲癩疾寒熱

腸痔蟲毒蛇癰弄舌搖頭大人五邪言語僻越惡瘡嘔欬明
目火熬之良一名石出子衣一名蛇符一名龍子皮一名龍
子單衣一名弓皮生荊州川谷及田野五月五日十五日取
之良

蛇黃主心痛在忤石淋產難小兒驚癇以水煮研服汁出嶺南蛇腹中得之圓重如錫黃黑青雜色

蜈蚣味辛溫有毒主鬼疰蠱毒噉諸蛇蟲魚毒殺鬼物老癩溫瘡去二蟲療心腹寒熱結聚墮胎去惡血生大吳川谷

南赤頭足者良

馬陸味辛溫有毒主腹中大堅癥破積聚息肉惡瘡白秃療寒熱痞結脅下滿一名百足一名馬軸生玄菟川谷

蠚蟬味辛平無毒主久聾欬逆毒氣出刺出汗療鼻窒其土房主癰腫風頭一名土蜂生熊耳川谷及牂牁或人屋間

雀甕味甘平無毒主小兒驚癇寒熱結氣蠱毒鬼疰一名燥舍生漢中採蒸之生樹枝間貼蠚房也八月取

鼠婦味酸溫微寒無毒主氣瘞不得小便婦人月閉血瘕癥瘕寒熱利水道一名負蟠一名蜘蛛一名蜚蠊生魏郡平谷

及人家地上五月五日取

螢火

味辛微溫無毒主明目小兒火瘡傷熱氣蠱毒鬼疰通

神精一名夜光一名放火一名熠燿一名即炤生階地池澤

七月七日取陰乾

衣魚

味鹹溫無毒主婦人疝瘕小便不利小兒中風項強背

起摩之又療淋墮胎塗瘡滅癰一名白魚一名蟬生咸陽平澤

白頸蚯蚓

味鹹寒大寒無毒主蛇瘕去三蟲伏尸鬼疰蠱毒

殺長蟲仍自化作水療傷寒伏熱狂謬大腹黃疸一名土龍

生平土三月取陰乾

螻蛄

味鹹寒無毒主產難出肉中刺潰癰腫下噎噎解毒除

惡瘡一名螻蛄一名天螻一名蝮生東城平澤夜出者良夏

至取暴乾

蜣螂

味鹹寒有毒主小兒驚癇瘕瘕腹脹寒熱大人癰疾狂

易手足端寒肢滿黃豚一名蝓蟻火熬之良生長沙池澤五月五日取蒸藏之臨用當炙勿置水中令人吐

斑猫 味辛寒有毒主寒熱鬼疰蠱毒鼠瘻疥癬惡瘡咀蝕死肌破石瘥血積傷人肌墮胎一名龍尾生河東川谷八月取

陰乾

芫青 味辛微溫有毒主蠱毒風疰鬼疰墮胎三月取暴乾

葛上亭長 味辛微溫有毒主蠱毒鬼疰破淋結積聚墮胎七月取暴乾

月取暴乾

地膽 味辛寒有毒主鬼疰寒熱鼠瘻惡瘡死肌破癰瘕墮胎

蝕瘡中惡肉鼻中息肉散結氣石淋去子服一刀圭即下一

名蜺青一名青蛙生汶山川谷八月取

馬刀 味辛微寒有毒主漏下赤白寒熱破石淋殺禽獸賊鼠

除五藏間熱肌中鼠鼯止煩滿補中去厥痺利機閔用之當

鍊得水爛人腸又云得水良一名馬蛤生江湖池澤及東海取無時

田中螺汁

大寒主目熱赤痛止渴

貝子

味鹹平有毒主目昏鬼疰蠱毒腹痛下血五瘥利水道

除寒熱溫疰解肌散結熱燒用之良一名貝齒生東海池澤

甲香

味鹹平無毒主心腹滿痛氣急止痢下淋生南海

珂

味鹹平無毒主目中翳斷血生肌貝類也大如鰕皮黃黑

而骨白以爲馬飾生南海採無時

論曰鳥獸蟲魚之類凡一百一十六種皆是生命各各自保愛其身與人不殊所以稱近取諸身遠取諸物人自受命即鳥獸自愛固可知也是以須藥者皆須訪覓先死者或市中求之必不可得自殺生以救己命若殺之者非立方之意也慎之慎之

豆蔻 味辛溫無毒主溫中心腹痛嘔吐去口臭氣生南海

葡萄 味甘平無毒主筋骨濕痺益氣倍力強志令人肥健耐

飢忍風寒久食輕身不老延年可作酒逐水利小便生龍

五原燉煌山谷

蓬蘽 味酸鹹平無毒主安五藏益精氣長陰令堅強志倍力

有子又療暴中風身熱大驚久服輕身不老一名覆盆一名

陵蘗一名陰蘗生荆山平澤及冤句

覆盆子 味甘平無毒主益氣輕身令髮不白五月採

大棗 味甘平無毒主心腹邪氣安中養脾助十二經平胃氣

通九竅補少氣少津液身中不足大驚四肢重和百藥補中

益氣強力除煩悶療心下懸腸澼久服輕身長年不肌神仙

一名乾棗一名美棗一名良棗八月採暴乾三歲陳核中人

燻之味苦主腹痛邪氣

生棗

味甘辛多食令人多寒熱羸瘦者不可食

葉覆麻黃

能令出汗生河東平澤

藕實

莖味甘平寒無毒主補中養神益氣力除百疾久服輕

身耐老不飢延年一名水芝丹一名蓮生汝南池澤八月採

雞頭實

味甘平無毒主濕痺腰脊膝痛補中除暴疾益精氣

強志令耳目聰明久服輕身不飢耐老神仙一名鴈喙實一

名炙生雷澤池澤八月採

芡實

味甘平無毒主安中補五藏不飢輕身一名菱

栗

味鹹溫無毒主益氣厚腸胃補腎氣令人耐飢生山陰九

月採

櫻桃

味甘主調中益脾氣令人好顏色美志

梅實

味酸平無毒主下氣除熱煩滿安心肢體痛偏枯不仁

死肌去青黑誌惡疾止下痢好唾口乾生漢中川谷五月採